

Broj: 09-11-4-885-14/26

Sarajevo, ~~16-06-2026~~

Na osnovu člana 70. st. (1) i (3) Zakona o javnim nabavkama („Službeni glasnik BiH“, br. 39/14, 59/22 i 50/24), a na prijedlog Komisije za javne nabavke, imenovane Rješenjem, broj: 09-11-4-885-4/26 od 07.05.2026. godine, federalni ministar raseljenih osoba i izbjeglica **donosi**

**ODLUKA**  
**o izboru najpovoljnijeg ponuđača**  
**LOT 1**

**I**

U cilju odabira najpovoljnijeg ponuđača, nakon provedenog otvorenog postupka javne nabavke usluga Programski paketi, licence i uređaji za digitalizaciju poslovnih procesa i implementaciju DMS Sistema - LOT 1: Digitalizacija poslovnih procesa, evidencijski broj nabavke: 09-11-4-885-3/26 od 27.04.2026. godine, broj obavještenja o nabavci sa Portala javnih nabavki 668-1-2-32-3-39/26 od 27.04.2026. godine, a čiji je sažetak objavljen u „Službenom glasniku BiH“ - Oglasnik javnih nabavki, broj: 31/26, kao najbolje ocijenjena prihvatljiva ponuda, utvrđena je ponuda ponuđača: **FIXIT D.O.O. SARAJEVO**, sa ukupnom cijenom ponude u iznosu od **359.000,00 KM bez PDV-a**.

**II**

Ponuda ponuđača iz tačke I ove odluke ocijenjena je prihvatljivom, jer ispunjava sve uslove propisane tenderskom dokumentacijom, te je, prema kriteriju za dodjelu ugovora – najniža cijena, utvrđena kao najpovoljnija za Federalno ministarstvo raseljenih osoba i izbjeglica.

**III**

Izabrani ponuđač dužan je, u roku od 5 (pet) dana od dana prijema obavještenja o rezultatima postupka nabavke, dostaviti dokaze o kvalificiranosti, u skladu sa Zakonom o javnim nabavkama BiH.

**IV**

Za realizaciju ove odluke zadužuje se Služba za pravne, personalne i poslove javnih nabavki.

**V**

Ova odluka stupa na snagu danom donošenja, a bit će objavljena na web-stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama BiH, te istovremeno dostavljena svim ponuđačima koji su učestvovali u predmetnom postupku.

**Obrazloženje**

Postupak javne nabavke pokrenut je Odlukom o pokretanju postupka, broj: 09-11-4-885/26 od 23.04.2026. godine i broj: 09-11-4-885-1/26 od 23.04.2026. godine, kojom je ugovorni organ odobrio provođenje otvorenog postupka javne nabavke usluga Programski paketi, licence i uređaji za digitalizaciju poslovnih procesa i implementaciju DMS Sistema. Predmet nabavke podijeljen je na 3 (tri) LOT-a. Ukupna procijenjena vrijednost nabavke iznosila je 636.025,00 KM, bez PDV-a i predviđena je Planom javnih nabavki Federalnog ministarstva raseljenih osoba i izbjeglica za 2026. godinu, dio II Usluge, broj 41. Procijenjena vrijednost nabavke za Lot 1 je iznosila 359.100,00 KM. Obavijest o nabavci, broj: 668-1-2-32-3-39/26, poslana je na objavu 27.04.2026. godine, te je zajedno sa tenderskom dokumentacijom istog dana objavljena na Portalu javnih nabavki BiH. Tenderskom dokumentacijom predviđeno je zaključivanje ugovora sa jednim ponuđačem na period od 1 (jedne) godine, kao i provođenje e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23).

Tendersku dokumentaciju preuzelo je 37 pravnih lica, a 2 ponuđača dostavila su blagovremene ponude za LOT 1, i to: BOSNIEN BUSINESS SYSTEMS D.O.O. SARAJEVO i FIXIT D.O.O. SARAJEVO.

Komisija za javne nabavke izvršila je pregled i ocjenu svih pristiglih ponuda, te je nakon analize ponuda i provjere sadržaja i validnosti priložene dokumentacije, konstatovala da 1 (jedna) zaprimljena ponuda nije prihvatljiva za ugovorni organ.

Ponuda dostavljena od strane BOSNIEN BUSINESS SYSTEMS D.O.O. SARAJEVO se odbacuje kao neprihvatljiva jer ne ispunjava uslove tražene tenderskom dokumentacijom kako slijedi : U tenderskoj dokumentaciji u tački 7.3. EKONOMSKA I FINANSIJSKA SPOSOBNOST je traženo: 7.3.2.b) Solventnost ponuđača (da transakcioni račun firme nije bio blokiran u periodu od 6 mjeseci računajući unazad od datuma objavljivanja Obavještenja o nabavci) što se dokazuje Potvrdom poslovne banke o solventnosti ponuđača, računajući period do datuma objavljivanja Obavještenja o nabavci (traženi period je od 27.10.2025.godine do 27.04.2026.godine). Ponuđač je u svojoj ponudi dostavio Potvrdu ASA Banke d.d. Sarajevo, izdatu dana 03.06.2026. godine, u kojoj je navedeno da je glavni transakcioni račun ponuđača solventan, aktivan te da nije bio blokiran u posljednjih šest (6) mjeseci. Dostavljena potvrda je izdata dana 03.06.2026. godine, te se navod o neblokiranosti računa „u posljednjih šest mjeseci“ može odnositi isključivo na period od 03.12.2025. godine do 03.06.2026. godine. Takav period nije identičan periodu koji je ugovorni organ zahtijevao tenderskom dokumentacijom, odnosno periodu od 27.10.2025. godine do 27.04.2026. godine. Slijedom navedenog, dostavljenom potvrdom nije dokazano stanje solventnosti za cijeli traženi period, budući da ista ne potvrđuje neblokiranost transakcionog računa za period od 27.10.2025. godine do 02.12.2025. godine, dok istovremeno obuhvata period nakon datuma objavljivanja Obavještenja o nabavci, koji nije bio predmet zahtjeva tenderske dokumentacije. Stoga ponuđač nije dokazao ispunjenost uslova iz tačke 7.3.2.b) tenderske dokumentacije.

Komisija je sastavila Zapisnik o pregledu i ocjeni ponuda, broj: 09-11-4-885-13/26 od 16.06.2026. godine, zajedno sa Preporukom o izboru najpovoljnijeg ponuđača FIXIT D.O.O. SARAJEVO, budući da je izabrani ponuđač dostavio prihvatljivu ponudu u skladu sa uslovima postavljenim u tenderskoj dokumentaciji, a u skladu sa kriterijem za dodjelu ugovora – najniža cijena.

U postupku donošenja ove odluke, posebno su cijenjene činjenice da je Komisija pravilno i u potpunosti izvršila ocjenu kvalifikovanosti ponuđača, kao i ocjenu pristiglih ponuda, u skladu sa Zakonom o javnim nabavkama („Službeni glasnik BiH“, br. 39/14, 59/22 i 50/24) i Pravilnikom o uspostavljanju i radu komisije za nabavke („Službeni glasnik BiH“, br. 103/14 i 49/23).

Uzimajući u obzir naprijed navedeno, primjenom člana 64., stav (1), tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



Dostaviti:

1. Svim ponuđačima u postupku
2. Komisiji za nabavke
3. Služba za pravne, personalne i poslove javnih nabavki
4. a/a